

Hic per triquadrum (36) regnabat (proh dolor) Orbem,

Et genus humanum in sua Regna dabat.
Jamque Sacerdotes, Reges, solemnica jura
Cessabant prorsus, hostia sive sacra.
Tum pius indoluit genitor, Verbumque salutis
Transmisit Mundo, ut nos pius erueret.
Ille lavit proprio miserans de sanguine Mundum,
Dogmata clara dedit, justitiam docuit.
Inferniq; potens confregit numine valvas,
Eruit electos, Dæmonis arma tulit.
Inde superna petens conscendit in æthera victor,
Christicolam nobis nomen habere dedit.

Quisque cupit Christi nunc nomen habere,
neceffe est

Quo caput abcessit, prendere certet iter.
Quamvis dante Deo totus nunc Mundus abundet
Christicolam turbis, Ecclesiæque fide,
Nec sit opus Domini famulos pro nomine cædi,
Cum passim Christi nomen in Orbe boët;
Et malè fida cohors, Domini quæ dogma refutat,
Cuspide Christicolo jam procul acta fugit;
Quamvis Ecclesiæ Patres, nostrosque priores
Mors tulit atra quidem, nunc tenet aula Dei:
Morte licet nequeamus, eos certemus ovantes
Corde sequi puro, justitiaque, fide.

Diligit omnis homo fratrem, monitæ Johanne,
Quem videt, ut Christum cernere mente queat.

Hic ait ad Petrum: Simon me diligis, an non?
Ter cui Petrus ait: scis quia temet amo.

Si me, Christus ait, hortor, tu diligis, agnos
Palce meos, Petre, cum pietatis ope.

Ergo, Sacer, plebem nostri est curare subactam,
Nobis quam Dominus pascere constituit.

Tu facer Antistitis, ego Rex sum Christicolarum:
Servemus populum dogmate, lege, fide.

Addidit at Cæsar paucis hæc insuper ore,
Quæ facer Antistitis suscipit aure pia.

Si tua jura (37) manent, Petri qui regmina curas,
Et vice partita pascis ovile suum.

Sin aliud, penitus moneo, ut mihi cuncta
Sacerdos

Edicas: faciam mox tua verba libens.
Ut mea progenies Petri servavit honorem,

Sic ego servabo, Præsul, amore Dei.
Mox verò famulum revocat Helisachar (38)

amatam,
Aure sonans cujus hæc pia dicta dabat:

Excipe, vade citò, & firmis hæc inferre (39)
chartis,

Quæ volo perpetuò fixa manere quidem.
Censeo per Regnū nostro moderamine septum,

Atque per Imperium, dante Tonante, meum,
Ut res Ecclesiæ Petri, Sedisque perennis,

Inlæsæ vigeant semper honore Dei.
Ut prius Ecclesiæ hæc Pastorum munere fulta

Summum apicem (40) tenuit, & teneat
volumus.

(36) Pro triquadrum, hoc est per tres partes orbis, sive per totum terrarum orbem, quem in tres partes tunc dividebant, Americæ nempe tunc temporis plane ignota.

(37) Scilicet: dic mihi, sanctissime Pontifex, num jura (scilicet temporalia) Sancti Petri intacta sint, an vero quisquam ea minuerit, aut usurparit.

(38) Fuit is Ludovici Pii Cancellarius, multaque profant ejusdem Augusti Diplomata, quæ subierit Durandus Diaconus ad vicem Helisachar. Appellatur autem ab Eginhardo & Agobardo Presbyter & Abbas. Et sane multis Coenobiis ea ætate præfuit titulo Abbatis, ut mirari desinamus nostrorum temporum mores, ab iis minime abfimiles.

(39) Quas dolendum est, ante multa Secula periisse.

(40) Primatum Pontificis Maximi in Ecclesiâ Dei, atque illius archjeratica jura a Sancto Petro

A Crescat honor Petri nostro sub tempore: crevit
Temporibus Caroli patris & utque mei.

Addimus at, Præsul, tantum est ut supra locutū,
Justitiam recolat qui sedet arce Petri.

Hæc est causa, Sacer, qua te accersire rogavi.
Adjutor fortis esto beate mihi.

Tum Sacer ad cœlū palmis cum lumina tendens
Orabat, recinens hæc quoque verba Deo.

O Dee celsitonans, qui regmina cuncta creasti,
Nate simul Christe, Spiritus atque facer;

Tu Petre, qui cœli præclarus claviger existas,
Rete trahis populum ad cœlica Regna tuo,

Et vos Cœlicolæ, quorum nunc corpora Roma
Servat, & officia sedula digna parat:

Ad populi regimen, Regni, Ecclesiæque decorem
Servate hunc Regem secla per ampla precor.

B Dogmate, Marte, Fide mores præcellit avitos,
Curat & Ecclesiam, Imperiumque regit.

Et Sedem Petri summo præditat honore,
Et Pater, & Sacer est, altor, & arma suis.

Hoc dicto celerans amplexibus hæsit amicis,
Lætus honore suo, munere sive Petri.

Inchoat, & cunctis monitans dat jussa silendi;
Ore benigna refert hæc pius orla pio.

Roma tibi, Cæsar, transmittit munera Petri,
Digna satis digno, conveniensque decus.

Tum jubet adferri gemmis auroque coronam,
Quæ Constantini (41) Cæsaris ante fuit.

Accipit ipse manu, verbis benedicit, & orat,
Stemmata (42) clara tenens, lumina pansa

C polo.

Qui regis Imperium Mundi, seclumq; gubernas,
Qui Romæ (43) censet Orbis habere caput,

Exaudi, precibusq; meis, peto, flecte benignam,
Christe, aurem; votis Rex pie quæso fave.

Adjuvet Andreas, Petrus, Paulusque, Johannes,
Atque Maria Dei mater opima pii.

Induperatorem hunc Hludovvicum tempora
longa

Servate: abscedant tristia cuncta procul.
Prospera cuncta date, nec non peto noxia longè

Pellite: sit felix, sitque potentique diu.
Hæc ait, & celerans se se convertit ad ipsum,

Atque manu tangit verticis alta sacra.
Conferat Omnipotens, auxit, qui semen Ha-

D brahæ,
Ut videas natos, unde voceris avus.

Dedit progeniem, duplicet triplicetque nepotes,
Semine ut è vestro crescat opima seges,

Quique regant Francos, nec non Romamque
potentem,

Donec Christicolam nomen in Orbe sonat.
Ungvine suffuso, hymnisque ex ordine dictis,

Cæsareo capiti mox decus imposuit.
Hoc tibi Petrus ovans cessit mitissime donum,

Tu quia justitiam (44) cedis habere sibi.
Tum videt Induperatricem sociamque jugalem

Irmingat (45), prorsus suscipit, atque tenet.
Per-

E in successores derivata, confirmat etiam Lu-

dovicus Pius.

(41) Describitur heic coronatio Ludovici Pii, quam & reliqui Francorum annales memorant ad annum 816. nemo autem præter Poetam nostrum Coronam tunc a Stephano Papa adhibitam tribuit Constantino Magno.

(42) Id est Coronam manu tenens.

(43) Qui destinasti Romam esse caput Mundi.

(44) Scilicet, hoc tibi donum Petrus mittit, quia & tu ejus successoribus concedis exercere jura ac justitiam in Populum Romanum: quo nomine designari arbitror temporalem auctoritatem, quam Imperatores Franci Pontificibus concessere in Urbem.

(45) Scriberem Irmingard: ubique enim Irmingardam video appellatam. Scilicet hæc prima fuit Ludovici Pii conjux.